

門怡神真境他日運應滅度自性不至昏迷
往生十善之家能通宿命還證上乘之道臣
事虛皇尚願國安民豐時和歲稔願真風不
闡道化興行願克惡化賢邪魔皈正願兵刑
罔措囹圄空閑願沉滯昇遷冤仇和釋願恭

玄學者入道成真願歷切種親均諧超度願
歷世師友同證真常願所有緣增崇福慧願
所傷物命早生人天願節食酒葷不相殺害
願持身端正不履強邪願悉破慳貪悉除陰
峻願言無誑妄行貴真誠願弱已饒人潛忍
忿怒願慈心下氣恭敬一切願不墮邊夷不
隨邪見願結交仙友栖集消虛願智惠開明
神通恢廓願廣行方便普濟群生願永斷執
迷咸歸至道塵劫有盡我願無窮端望帝真
曲垂濟度皈命禮謝無上正真三寶

祝謝

向來禮念諸功德全賴慈悲為主盟仰瞻仙
仗隱空玄法部真靈長擁護稽首皈依無極
妙道

朝真發願懺悔文終



靈寶施食法

此法能日行之惟好恐未能長齋但不
食五辛及厭物醉酒皆可若只過齋日行
之亦在人也每當早飯之時先存淨飯盞
子以小盒盛貯至夜靜望空默念

淨三業咒同前朝真懺內持咒時必須
身心如一塵累頓忘幻境皆空金光洞

煥次念

土地咒在志希拱立跪

此間土地神之最靈升天入地出幽入冥為

吾聞奏不得留傳有功之日名書上清

次念救苦經一編先誦此經者所以致其
誠敬望其感乎也當誦經之須一念不生
萬緣俱釋日光上燭泥丸圓光充滿慈尊
衆真森羅于內次祝云

具位臣某稽首皈依志心上告

虛無自然元始天尊玉宸道君靈寶天尊太
上老君道德天尊青華慈父太乙救苦天尊
十方應號救苦天尊十方救苦真人十方救
苦童子三清玄一三真君三天大法師正一

真君太極左宮仙公真君九州都仙太史真
君金闕昭靈妙道保仙元君一元無上救苦
薩君真人九天度鬼諸司真宰十方得道一
切神仙法錄宗師仙靈雷霆岳鄧帥將神虎
追攝官屬三元五道大神恭望洪慈俯垂洞

三

鑒以今某處奉道交輟食普濟幽靈願
降祥光照開冥道攝引魂爽疾速來臨仰憑
三寶慈尊慧力散洒甘露變化法食周徧十
方法界鬼神咸資解脫

次念普照鬼神咒曰

嚕嗎胃乎定吉利一悉七遍急速至攝

存黑炁一團廣大無邊從左肩後采內有
萬點星光即一吸吹布于前如有神將部
領次祝曰

謹召十方無極世界一切魔靈道人偷道地

獄道餓鬼道畜生道諸類男女孤寡切亡苦
與我等宿生負命負財負恩負義冤債囚徒
古往今來他方此界戰場陣歿客死枉亡一
切沉寃滯魄鬼神精靈等衆悉承道力奔赴
靈場受食和宛乘功超化

次念甘露開咽喉咒曰

唵里元希平吒希攝華耶一炁九遍

存慈尊應感淨空散洒甘露自己舌柱上

腭唇齒相合目光上視頂門俟其滿口甘

潤漸漸嚙液熱惱清涼無復飢渴幽靈皆

濟矣

次念化食咒曰

唵部盧里嚴聿多攝一炁七遍

以神咒力變化法食廣大無邊却持五廚

咒一遍

須從容緣念

一炁和太和得一道皆泰和乃無一和玄理

通玄際不以意思亦不求無思意而無有

思是法如是持莫將心緣心還莫住絕緣心

在莫存心真則守真元修理志離志積修不

符離志而不修志已業無已知諸食炁結炁

非諸又定結炁歸諸本炁隨取當隨洩

次念解冤咒

化悶嗔利畔解釋五炁債一炁七遍

自己身心溼微不起然憎殺者悟恩怨

兩忘自然解脫次說散云

諸仙子等飢虛飽滿熱惱清涼執對消除冤

仇和釋更離依道免墮地獄依經免墮

獄免依師免墮畜生道能持受九真妙戒

當消九幽大罪能結四大誓願當

道果今以逐一宣傳各

心聽受三皈依者

皈依大羅玉京妙道皈依華堂內景玉經皈

依人天得道宗師九真戒曰一者敬讓孝眷

父母二者克勤忠於君主三者不殺慈救衆

生四者不淫正身處物五者不道推義損己

六者不嗔兇怒凌人七者不詐誣賊害善八

者不驕傲忽至真九者不二奉戒專一四大

誓願者願誓了明本性不墮迷津誓願啓大

慈悲離諸情欲誓願廣修福德普濟衆生誓

願皈奉真宗替揚道化如上皈戒檢束身心

願力扶持終劫不昧盡未來際一切衆生同

此熏修各諧超度

次散食咒曰

我設清淨供普施幽冤衆一粒遍十方河沙

鬼神共

次稽首瞻送回向

神光上朝透出頂門閉炁猛着呵呵左手

剔出午文冲前黑炁中萬點星光升人無

形了無罣礙切戒疑滯咒曰

願以此功德回向大慈尊嘉被我宗親師資

并眷屬普及諸衆生皆成無上道

前咒有口字邊字只念一邊正字如有字

音者如常音念不必疑惑

靈寶施食法終